

劉兆祐博士主編
中國史學叢書三編

皇明寶訓
(七)

臺灣學生書局 印行

大明世宗肅皇帝實訓卷之三

光祿大夫柱國少傅兼太子太傅禮部尚書武英殿大學士臣呂本謹校

南京禮部祠祭清吏司郎中臣陳治本

南京兵部職方清吏司主事臣朱錦謹校

南京工部虞衡清吏司郎中臣呂胤昌

聖孝三養親

○正德十六年四月壬午

上辭

獻皇帝陵墓伏地慟哭左右扶而起從臣莫不感泣明日

發舊邸

上不忍遽離

母聖嗚咽者久之乃行癸卯

上至京師登極之三日諭閣臣曰朕入繼大統雖未敢顧私恩然

母妃遠在藩府朕心實切戀慕其即遣使奉箋備

母后服御駕儀往迎箋曰欽承

聖母慈壽皇太后詒諭

皇兄武宗皇帝遺詔嗣位敬惟

母妃殿下遠在藩邸特奉箋迎請者伏以

大統既承義貴致專於所後至情攸繫恩當無盡於本生

爰展孝懷庸伸至養恭惟

母妃殿下鍾祥茂族婉美

先王性每篤於仁慈化素彰於儉約仰惟
聖德誕育眇躬屬緣倫序之宜入嗣基圖之重恭惟
九廟日理萬幾雖允慰乎衆心實仰成于

慈訓顧瞻左右念省問之音疎徒倚晨昏眷睽違之地遠
劬勞罔極慕戀彌深特遣近臣往迎舊邸共享昇平之
福永膺壽考之休十月壬午

聖母至京師初禮官具儀請

聖母由東安門入

上不從乃親定其儀由大明門入是日

上候迎於午門內遂奉

聖母謁見

奉先殿

奉慈殿禮成入宮

慈顏悅豫中外臣工莫不慶忭焉

○嘉靖七年二月戊午

上更定服制成諭閣臣曰朕今日因吉告于

皇祖

皇考服玄端冠服惟

兩宮未奏以其燕私之用不敢煩奏待有召見或因事朝
見隨具奏

知方朕食後

皇伯母

聖母

尊嫂皆遣內官齎賜朕彩色龍補段帛傳諭云為賀皇帝所製冠服朕稽首受訖即令侍臣往奏

兩宮曰蒙

訓及賜龍補等物即當具朕新僭造玄端服謁謝

皇伯母傳免

聖母亦傳免其

皇伯母以未起

聖母微冒風寒在煖閣內朕欲俱遵但

聖母以欠安正當拜問已謁

聖母畢而衷誠未盡欲仍擇吉奉書奏謝

恩未知可否卿等便議來如可待朕親撰奏書稿仍下卿等看潤行

○嘉靖九年九月壬寅

上諭大學士張璁曰前日卿奏聞朕宮中奉宴

聖母每執禮太過又謂嚴威嚴格非所以事親也昨朕奉聖母遊宴畧去禮節

聖母甚喜况

慈訓往往亦及之

聖母曰吾安然處之但恐皇帝行禮過勞雖曰盡禮吾心何安哉夫人子以順志承顏為善必使親心安而後可卿之言朕其不勉之哉茲併以諭復卿知

○嘉靖十五年四月癸巳

上諭禮部曰朕恭進

郊壇廟寢所以上事

天地

祖宗今復思

太皇太后

皇太后二宮我

皇祖原未有制今曰清寧者乃青宮所居雖無其人可無

其所是非

母后所居也曰仁壽者乃統于乾清宮者非

母后之宮今朕擬將清寧宮存儲居之地後即半作

太皇太后宮一區仁壽宮故址併除釋殿之地作
皇太后宮一區以備

皇祖一代之制亦非妄舉已復諭禮部朕恭備
祖宗一代之制命建

慈慶宮為

太皇太后居

慈寧宮為

皇太后居今工有次第以

慈寧奉

聖母章聖皇太后以

慈慶奉

皇伯母昭聖皇太后一應供張悉取給內府如
祖宗例行著為令

○嘉靖十六年九月辛卯

上諭禮部

聖母病瘡慈體未豫朕涓十八日躬禱于

太廟分命大臣告

列聖羣廟二十日躬禱于

太社稷命臣告

帝社稷文華殿設壇躬禱于山川明神

○嘉靖十七年二月丙午

上諭輔臣曰朕惟臣子之於君親願壽為最親父母之謂

也今

聖母壽旦朕取今夕中夜于

玄極寶殿設壇為

毋祈禱于

上帝分命卿等禱于諸神壇茲先諭卿等三人及鼎臣分
獻宜即滌除他慮一千對越亟令太常備物以饗

聖孝四 慎終

○嘉靖十七年十二月乙巳

上以

獻皇后慈馭上賓卜吉於

天壽山之大峪擬作玄宮奉遷

獻皇帝梓宮合葬仍勅諭禮工部曰朕

皇考獻皇帝

顯陵在承天粵自

皇考升遐之日位處藩服朕在幼冲知識何有實多貽悔
矧山川淺薄風氣不蓄堂隧狹陋禮制未稱且越阻千
里寧免後艱每一興思惕然傷悼比三歲春秋展祀

山陵朕周覽川原于我

成祖長陵之西南得一支山名曰大峪林茂草鬱罔阜豐
衍列在

諸陵之次實為吉壤朕心愜焉茲欲啓迎

皇考梓宮遷祔於此爰以事體重大卜告于

皇祖高皇帝既得吉占謀之二三勲輔近臣咸贊曰允宜
茲特勅爾禮工二部便擇日興工預告聞于

祖宗列聖暨我

皇考及他事宜即各詳議具擬來聞其奉遷禮祔陵工告
成乃議又特諭禮部曰

聖母大行慈駕遐升卿等謂事莫重于

山陵此孝子第一大事誠不可緩其即分遣重臣于

天壽山大峪處建造

顯陵亟擇日恭聞于

祖宗列聖啓事興工一面南奉

皇考梓宮來山合塋庶慰朕

二親之靈以伸朕以禮終事之情其會同皇親內閣六卿
共議來聞于是武定侯郭勛大學士夏言等皆以為善
咸贊成之

上已遣使往承天告于

陵廟尋諭輔臣曰遷

陵一事朕復思一夜中心甚懼夫三年之喪上下一道故
曰雖天子必有父所以無別只此一大道理爾後世日
繫萬幾之務易月為日雖聖人復生朕度必不能復設
使示爭于初必不終於古徒賣虛名不若以實為順乃
為識理之真至於墓次於廟禮也且禮亦明著子為天
子諸侯父為大夫士則葬用死者之爵以安親為上不

敢強在生之寶劄奉藏體魄將二旬歲忍啓露於風塵
之間撼搖於途路之遠朕心既不安寧我
聖母又不寧大也茲決以禮之正情之安奉

慈宮南詣合葬穴中不必粉飾果有未盡即彼處置朕須
躬至

顯陵親臨調度此恐與北來為孝之大卿即將此諭播之
羣臣禮官會議謂大峪為近且便歲時展謁

上曰茲所言只重在人情私俗不思四海非王土歟即如
我

皇祖孝陵之在南京今歲時展謁得親否乎又我
成祖豈不容慕

皇祖耶卿等執前議朕心終不安爾乃追還遣使議南狩

○辛亥

上緣服御西角門文武百官行奉慰禮初

上在喪哀戚殊甚百官以奉慰請

上曰朕正當守奉

几筵未忍一刻離次但以卿等言勉從之

○甲寅禮部言帝王之孝與凡庶不同請

皇上釋緣服易素翼善冠布袍腰經二十七日而除還宮
調攝不必復處喪次

上曰人子之情不忍抑損顧朕昨者因疾未愈遽遭母喪
連日乍作乍愈又內以風熱病目必須調攝且